

(欽定)廓爾喀紀畧

卷
十五
十六



欽定廓爾喀紀畧卷十五

乾隆五十七年正月初二日

壬申

鄂輝奏言竊

臣

到藏後面詢噶布倫等尚有先獲未報賊匪當
卽飭令查解來藏以憑審辦茲據脅噶爾頭人
乃龍巴協同駐藏弁兵於十一月二十九日押
解前來訊係八月內被獲因何當日並未稟報
殊屬可疑隨面詢保泰據稱伊等並未具報實

不知獲賊一事復問噶布倫等據稱此次賊匪原係八月內被戴琫敏珠爾多爾濟先後拏獲因該戴琫正在帶兵打仗差人解至脅噶爾圈禁嗣敏珠爾多爾濟出痘身亾脅噶爾營官丹增因係敏珠爾多爾濟搶獲之賊自應聽其辨理並未具報而該營官亦因出痘身亾以致始終未報後來我噶布倫等聞知隨差新營官博

隴結温到彼查明將該犯等派委頭人押解來

藏等情臣卽率同鹽茶道林儁通日悉心研鞫

查訊崗噶勒塔則西係跟隨廓爾喀王子之人

緣廓爾喀爲西藏賑目一事預約噶布倫丹津

班珠爾講話派出頭人達薩勒克德哩等前往

聶拉木理說嗣因丹津班珠爾欲將廓爾喀帶

去之人逐名點驗聲言賞犒衣物衆心已覺生

疑旋又派人將後路橋索拆斷廓爾喀之人卽
將拆橋人殺散隨寄信回寨派兵將丹津班珠
爾等圍困帶去並發兵三路前來惟瑪木薩野
一路將聶拉木地方佔據直至後藏滋擾巴都
爾薩野隨派崗噶勒塔則西帶兵一百名前來
管理聶拉木官寨該犯于八月初七日只帶跟
役八人前赴巴都爾喇嘛寺查看地方遇見敏

珠爾多爾濟所帶之兵將跟隨八人殺死卽將
該犯挈住送至脅噶爾羈禁至奇達爾結安巴

爾興錫哩格什納木怎達哩與四人均係廓爾
喀派出賊兵或往瑪木薩野等處送信或往孟

撒拉喀達哩等處聽用途遇送糧之喀錫拉木
第喇拉木生則拉木三人一同行走於八月初
十日甫至定日地方卽遇番兵將賊衆殺散同

時被獲九人送至脅噶爾官寨拘禁因默噶巴
爾納喀爾噶並拉瑪結噶爾機二人倔强不依
當被番兵殺死是以祇剩七人等語查崗噶勒
塔則西係喇納巴都爾跟前服役之人訊問起
衅情形及賊巢道路尚能供指不諱現在福康
安奉

命前來正需查訊賊人部落情形應請將該犯暫留

前藏等候福康安到來面加審訊或可得其真
供於事似屬有益如無用處再行委員解京至

音達爾結安巴爾興錫哩格什納木怎達哩興
等四名均係賊兵亦關緊要現在尚有後起拏
獲之賊匪十一名卽日亦可解到統俟審明後

一併交游擊烏爾公阿押解進京至送糧之喀
錫拉木等三人本係無關輕重

臣

查看喀錫拉

木尚屬利便卽將與廓爾喀諭帖令其送往仍
派員押送出境免致在途耽延其第喇拉木生
則拉木二名暫行羈禁將來如無可用之處再
行正法至崗噶勒塔則西所供唐古忒通事噶
谷瓦曾與瑪木薩野領路納木卡策凌甲勒當
二人從前往來陽布通信此次甲勒當又與崗
噶勒塔則西領路雖據供稱納木卡策凌已死

亦難憑信且伊現有一隻眼之子五十三年曾
經領路應與噶谷瓦申勒當一併拿獲究辦

臣

已密飭噶布倫派人查拏並札飭後藏都司德
勝保務須密速緝獲以憑從嚴審辦

鄂輝又奏言臣查自藏至青海交界應設驛站

因乾隆十五年駐藏大臣衙門被火焚燒之後
所有康熙年間舊案均已無存惟濟隴呼圖克

圖並噶布倫等告稱前輩班禪進京時曾於草地安過塘馬尚有基址可查大約自前藏以至交界之多魯巴都爾共計十六七塘每塘現擬派馬五匹派唐古忒頭人一名番子四名先往安設臣隨飭鹽茶道林儁於迎候福康安之便沿途卽將應設塘馬察看道里遠近妥爲安設每塘另派駐藏漢兵二名帶同唐古忒人隨時

遞送文報更可登記時刻以便稽查並令駐藏
理藩院員外郎德明往來管理巡查俾免遲悞
至保泰奏唐古忒人因大兵過藏反有擾累之
詞此等一二浮言或者不免但自臣到藏後並
未聽聞此語况採買糧石均係平價發買卽碾
費運脚及官兵等所用烏拉均照例給發價銀

絲毫並無擾累臣疊次恭宣

諭旨向達賴喇嘛班禪並衆呼圖克圖各寺大喇嘛
及僧俗人等剴切曉諭伊等亦深知

大皇帝保護黃教安輯藏地之

聖懷無不感頌

皇仁至把總蔣連陞與戴琫丹津那木吉稟報在定

結地方與賊打仗情形所報是否屬實俟臣到

彼與成德會同確查虛則請

旨治罪實則奏明獎賞但唐古忒之人往往虛捏者
多卽如現在嚴廷良據該戴琫等稟報定結退
回之賊經番目弁兵等追至熱窩等處與賊打
仗割獲賊匪首級十三顆耳記十二個並搜出
夷信十一張賊已奔回烏隴等語臣隨將夷信
譯看其中多係買賣物件及借用錢文無足重
輕之件焉知非賊人丟棄被唐古忒人檢獲希

冀邀功統俟臣與成德前後到彼一併查明辦

理再查此時定結一帶賊匪俱已遁回惟濟隴

聶拉木尚有賊人據守現經成德帶兵前往並

遵

旨譯諭喇納巴都爾等使其懈不設備張芝元所領

屯兵即日可到臣亦即帶領接續前進倘賊匪

尚在該處逗遛自可痛加殲殺收復濟隴等處

地方再當相機辦理至徐南鵬本係駐防後藏
都司此次守禦營官寨甚屬奮勉嚴廷良前此
曾經差往廓爾喀兩次現在定結一路守禦亦
曾督率兵弁殺賊該二員于賊匪起事滋擾情
形均能知悉現於十二月初三日卽令該二員
自前藏起程馳驛迅速到京以備

垂詢至遊擊烏爾公阿係本年六月甫經到藏此次

不過在撒迦溝江攷一路帶兵行走詢以藏地
邊界情形尚多不甚熟悉查現有應行解京賊
匪需員押送進京此後尚有十一名卽日亦可
解到統俟臣審明後卽令該遊擊押解賊犯進
京

同日成德奏言臣於十二月初一日帶兵行至
後藏體查該處僧俗人等俱各復業相安查看

大塔房屋及詢問被掠物件均與穆克登阿查
稟相符現在仲巴呼圖克圖遵

旨赴京隨令交付戴琫堪布將損壞之塔如法修補

管束衆僧安靜住持並撫慰番人勿失原業

臣

卽帶兵由拉子脅噶爾一帶前進逐細籌酌查

聶拉木爲賊匪出入大路急須先爲收復

臣

擬

帶兵先赴聶拉木賊若已退回卽將該處緊要

隘口嚴密佈置仍一面佯諭賊匪許其遣人前
來籲懇求

恩寬宥以爲牽誘之計若仍屯聚未退定卽奮力剿
殺收復卽令總兵穆克登阿帶兵在彼駐守

臣

卽帶兵前赴濟隴隨時相機剿辦其時總兵張
芝元所帶後起屯練亦可陸續到來兵力較爲
壯盛更可會合妥辦惟期先復邊界仰紆

聖廕一切竭力勉爲不敢稍有貽悞致罹重罪均奏

入

上命軍機大臣傳諭福康安孫士毅鄂輝成德舒濂
曰本日遞到鄂輝成德六百里奏報朕以爲必係
馳抵邊界打仗殺賊情形及加披閱鄂輝於十二
月初三日發摺時尚在前藏成德亦甫自江孜行
抵後藏尚未帶兵前往聶拉木濟隴絨轄等處追

剿賊匪所奏均不過查看扎什倫布廟宇塔座及
查詢保泰雅滿泰並審辦現獲賊匪等事殊屬無
謂賊匪在邊界逗遛多日坐待殲誅鄂輝成德一
味心存畏怯觀望遲回以致定結逗遛之賊先行
逸去未能乘機痛勦鄂輝成德實屬無福坐失機
會殊爲可惜著再傳旨嚴行申飭至成德奏現擬
帶兵先赴聶拉木守禦隘口仍佯諭賊匪令其遣

人前來懇求等語成德到藏多時未能迅速饋行

早振軍威直前進勦勉成大功已難望其振作今

姑以譚諭牽誘使賊匪在邊界逗遛屯聚俟大兵

齊集悉數殲擒看來成德無福無能此時亦止可

如此辦理計此旨到日福康安早已馳抵前藏海

蘭察及巴圖魯侍衛章京等並所調屯練番兵及

索倫達呼爾兵以次俱陸續齊集福康安統領官

兵相時度力攻圍截殺自可將逗遛賊匪概行殲
戮卽趁兵威勝勢一舉集事至成德所奏其意亦
不過將在邊界屯聚之賊悉行殺散聽其自迴卽
以收復邊境賊匪顛懇乞降希圖將就完事並不
思深入窮追但賊匪反復無常疊肆滋擾若非大
懾軍威痛加殲戮使其不敢再萌他念不足以示
懲創况賊匪伎倆甚屬無能現據鄂輝奏審訊現

獲賊匪供崗噶勒塔則西等俱經巴都爾薩野派
令帶兵一百名管理聶拉木官寨遇見戴琫敏珠
爾多爾濟將跟隨之八人殺死並將該犯拏住又
音達爾結等九人行至定日遇見番兵將賊衆殺
散同時被獲等語該處戴琫及番兵素稱懦弱今
遇見賊匪等尚能帶兵勦殺生獲多人賊匪無能
卽此可見又訊據賊供陽布地方卽係廓爾喀巢

金定原... 卷十五
三

穴離濟隴聶拉木不過八九日路程是賊匪巢穴
距邊界不遠且據供巴都爾薩野派令頭人一路
由濟隴到宗喀一路由聶拉木到第哩浪古每路
止有五六百兵因兩處俱有藏兵堵禦不能前進
惟瑪木薩野佔了聶拉木就往後藏滋擾等語是
賊匪人數亦甚有限卽日福康安前抵後藏同海
蘭察等統領巴圖魯侍衛章京帶兵各員帶領屯

練番兵及索倫達呼爾勁旗鼓勇直前痛加剿殺
自可深入賊巢綏靖邊徼再節據鄂輝成德奏俱

稱賊匪現在邊界逗遛但聞前次巴忠及鄂輝成
德與廓爾喀會議永遠不犯邊界一事每年許給
西番銀元寶三百個令其退還地方彼時雖經給
與銀兩地方實未退還賊匪仍在聶拉木等處佔
據上次伊等所奏並非實情是以巴忠畏罪自盡

此時鄂輝成德所奏賊匪尚在邊境逗遛之語殊未可信並著福康安到藏先將現在逗遛賊匪是否卽上年在彼屯據並未退回之處據實陳奏不得稍有徇隱至鄂輝奏審訊拿獲賊匪崗噶勒塔則西等係八月內卽被戴琫敏珠爾多爾濟及番兵先後拿獲此等被獲賊匪保泰雅滿泰豈得諉爲不知乃事隔數月並未據訊供具奏伊在藏所

辦何事其前此所奏唐古忒人因大兵過藏轉有
擾累之語今據鄂輝訪詢情事並未聽聞此語是
保泰一聞賊匪之信卽魂膽俱落心復多疑爲此
無稽之談以見藏不可守而於緊要事件全置不
辦實屬可惡著福康安再傳旨將保泰重責四十
板至雅滿泰與保泰同係駐藏大臣並無統屬遇
有應辦事件自應隨時具奏乃現在詢問保泰未

經陳奏各條及被獲賊匪一節雅滿泰亦並未具
奏且前此請將達賴喇嘛班禪額爾德尼移駐西
寧泰寧一事又係雅滿泰與保泰聯銜具奏是伊
二人厥罪惟均雅滿泰亦著重責四十板永遠枷
號現伊押送仲巴呼圖克圖來京到川時著孫士毅
傳旨派委妥員押回前藏交舒濂卽將雅滿泰傳
旨責處枷號示衆其仲巴呼圖克圖並著孫士毅

另派妥員起解又鄂輝此次奏請將崗噶勒塔則
西暫留前藏以備福康安到時訊問所辦尚是其
所稱現設塘馬每塘只派漢兵二名帶同唐古忒
人等遞送文報所派漢兵爲數太少應每站酌量
再添派二三名以期郵遞迅速又據稱前在熱窩等處
與賊打仗之番目弁兵等割獲賊匪首級十三顆
耳記十二個俟到彼查明辦理等語該番目弁兵

欽定四庫全書
卷十五
二十五

等如果能追殺賊匪割獲首級耳記當賊匪前來
滋擾時何不奮力守禦此等誑報首功最爲惡習
卽內地弁兵亦復如此漢唐以來皆因任聽邊將
捏報冒功以致賞罰不明軍無紀律失機債事今
該番目弁兵等所報情節豈可任其虛捏著福康
安查明具奏至鄂輝查訊現獲賊匪內音達爾結
安巴爾興錫哩格什納木怎達哩興四名或往瑪

木薩野等處送信或往孟撒拉喀達哩等處聽用
其喀錫拉木第喇拉木生則拉木三名俱係爲賊
匪送糧現經鄂輝審明分別解京羈禁伊等爲賊
匪通信送糧情殊可惡著福康安再行審問如無
可備訊之處卽行正法其賊匪供出未獲納木卡
策凌之子一隻眼上次卽爲賊匪領路應與未獲
之噶谷瓦甲勒當一併嚴拏究辦無任竄逸

上又命軍機大臣傳諭孫士毅曰前因仲巴呼圖克圖在扎什倫布廟內一聞賊匪滋擾信息不思率衆保獲廟宇輒收拾細軟物件先期逃遁其罪甚重是以降旨令鄂輝等將仲巴呼圖克圖解京安插並令雅滿泰沿途管押今思雅滿泰與保泰同係駐藏大臣辦理廓爾喀滋擾後藏一事怯懦張皇種種貽悞上年奏請將達賴喇嘛班禪額爾德

尼移駐內地卽係伊二人聯銜具奏厥罪維均未
便稍從輕減現已降旨令將雅滿泰重責四十板

亦於該處永遠枷號以示懲儆雅滿泰已於十二

月初二日押解仲巴呼圖克圖啟程著孫士毅於

雅滿泰行抵打箭爐或至成都卽派委妥員將雅

滿泰解赴前藏交舒濂遵旨辦理至仲巴呼圖克

圖卽著孫士毅酌量准其隨帶一二人委員管押

解赴江寧交該督等安插寺廟拘管閑住其餘隨從人等另派人押令來京

初三日

癸酉

上命軍機大臣傳諭福康安曰昨鄂輝奏到訊問賊匪供詞據稱巴都爾薩野派令頭人一路由濟隴到宗喀一路由聶拉木到第哩浪古兩處俱有藏兵堵禦不能前進惟瑪木薩野佔據聶拉木前往

後藏滋擾等語濟隴第哩浪古等兩處賊匪見有
藏兵堵禦不敢前進聶拉木一處豈無藏兵駐守
何以任聽瑪木薩野佔據竟至無人抵禦該處所
設駐藏之兵是否在彼駐劄抑係見賊匪前來並
未迎敵率皆奔竄並有無帶兵駐劄戴琿第巴亦
應查究著福康安卽行查明嚴辦以示懲創至供
詞所稱聶拉木止有路兩條到處搭有偏橋若把

偏橋拆斷就不能過去等語此殊不足慮卽如四
川全仗棧道險阻設若絕棧難行亦可另覓隣近
別途前赴今廓爾喀卽使路徑陡險諒不至無別
路可通縱賊人折去偏橋其路徑尚多亦可設法
繞道前進况屯練番兵最爲趨捷登山涉險是其
所長更何難超騰踰越深入其阻福康安及海蘭
察等惟當激勵將弁統率兵丁鼓其銳氣奮勇徑

前直搗巢穴斷不可因賊供有折去偏橋不能過
去之語稍存畏難之見餒我士氣福康安受朕恩
眷久歷戎行必能仰體朕意也

欽定廓爾喀紀畧卷十五

欽定廓爾喀紀畧卷十六

正月初五日

乙亥

鄂輝奏言查頭起屯練五百名

業於十二月初六日到藏卽逐名賞給褚祀皮

鞞並令畧爲收拾器械等項仍令張芝元帶領

于初八日自前藏起程尙有後兩起屯練一千

名現經飛札迎催均令接續前進舒濂於初七

日抵藏

臣

當將駐藏大臣關防及一切卷宗移

交接收任事舒濂本係熟悉藏地情形之人僧

俗人等素所感服前藏一切事宜儘可資其經

理至明春大兵進剿所有應行添辦軍火器械

及一切必需之物已咨明署督臣孫士毅飭局

添備運送來藏以資接濟福康安自西寧一路

來藏臣前奉

諭旨即派鹽茶道林儁前往交界迎候並飭隨路查

明道路遠近安設馬塘以資馳遞摺報茲達賴

喇嘛又復續派喇嘛噶布倫噶勒桑納木扎勒

前往催辦烏拉諒可不致貽誤昨接成德咨會

現往聶拉木一路攻剿賊匪臣於拜摺後起程

卽督同張芝元帶兵接續成德前進臣仍順道

查驗後藏所備軍糧及扎什倫布廟宇另行隨時奏報

鄂輝又奏言據總理糧務鹽茶道林儁稟稱藏

地所備兵糧祇有糶粃一項卽麥麩亦不能多得現在將軍叅贊領隊及巴圖魯侍衛章京等先後來藏未便一體支領糶粃若全支麥麩又不敷用查藏地雖不食米而附近地方亦間有產米者詢之噶布倫及糧員等僉稱每年駐藏大臣衙門需用米石皆係發銀交商上購買若此時設法搜羅尙可購備數百石地方遠近不

一統計運至前藏每石價值不過十兩以內較
之內地運出節省實多此時祇可就地購辦數
百石以米麩糶粃三項搭放俾資各官日食至
索倫達呼爾兵一千名恐其祇食糶粃亦多不
慣但同係兵丁又未便稍分彼此自應均以糶
粃支給惟前後藏現在辦有牛羊雖不能如內
地之肥壯而價值尙屬便宜應請留爲索倫官

兵買食卽於該兵等應得鹽菜銀兩內扣算等語伏思糶粃最爲麤糲卽日將軍叅贊及各領隊大臣巴圖魯侍衛等到來誠難一律支食且藏地旣能購買米石較之內地運供價值實爲節省隨飭令該道轉諭糧員噶布倫等分往購買以備搭配供支並將牛羊價值照商上買價議定每牛一隻價銀二兩每羊一隻價銀三錢



以便索倫兵等買食於所得鹽菜銀兩內如數

扣還商上用歸平允再巴圖魯侍衛及索倫官

兵等由西寧一路前來自必照例領給馬匹但

恐長途或有疲乏難以乘騎查西藏馬匹本少

卽有養馬之家均應出備烏拉當差臣曾與濟

隴呼圖克圖及噶布倫等商酌於西藏所屬之

納蒼等處各番遊牧地方買馬雖遠近不等若

差人前往官爲購買往返不過兩月卽使不能
多得亦可買備數百匹以資明春應用茲復商
之舒濂亦以此事必須預辦隨卽飭噶布倫等
趕緊差人前往辦買多多益善舒濂卽可就近
督催酌中定價給領庶將來巴圖魯侍衛等遠
道至此馬匹或有缺乏亦可隨時添補於軍行
更有裨益

同日鄂輝舒濂奏言竊查廓爾喀賊匪將扎薩
克喇嘛送出於十二月初六日到來臣舒濂亦

於次日抵藏當卽會同面訊據扎薩克喇嘛噶

勒桑丹結稱本年四月間丹津班珠爾等奉達

賴喇嘛之諭前往聶拉木一帶巡查地方修葺

廟宇並約廓爾喀人來至邊界面議地租一事

該喇嘛等於五月十一日自藏起程六月初六

日至聶拉木二十八日接沙瑪爾巴呼圖克圖
之信令其前往議事在卓克沙木地方見面該
喇嘛因欲與噶布倫等商議回至中途卽被瑪
木薩野派人刼回拘禁數日搬至扎木地方暫
見小噶布倫丹津班珠爾玉托噶布倫扎什敦
珠卜戴琿江結第巴博董及醫生擦隴後藏喇
嘛磔窩扎甲巴準西如巴第巴湯瑪薩甲喇嘛

策勒車木聶拉木教習兵丁王剛馮大成共十

一人並跟役等俱被羈禁詢之丹津班珠爾始

知三十日廓爾喀頭人帶兵前來捏稱唐古忒

人在山放哨又復拆斷橋梁將聶拉木圍住該

噶布倫等抵敵不住卽被圍拏數日後又將該

喇嘛等先後帶至麻哈磔凹章工寨等處居住

嗣喇納巴都爾帶領頭人至章工相近地方洗

浴該喇嘛等前往相見提及地租巴都爾薩野
卽稱緩說後因天氣甚熱又移至甲壘克楚地
方居住戴琫江結因病身亡丹津班珠爾等又
在陽布見喇納巴都爾等兩次講論地租銀兩
均沙瑪爾巴呼圖克圖從中關說意涉模稜直
至以

天朝動兵之言爲之恐嚇始據巴都爾薩野派人將

扎薩克喇嘛等送回令其稟知達賴喇嘛另派
妥人籌議將丹津班珠爾扎什敦珠卜湯瑪連
跟役等二十人扣留不放該喇嘛於十月初一
日自甲壟克楚起身由聶拉木一路出來同行
共有三十一人除薩甲喇嘛一名策勒車木並
帶跟役四名現回定日本廟後藏喇嘛二名磔
窩扎甲巴準西如巴並帶跟役五名已回扎什

倫布醫生一名擦隴並帶跟役一名均回江孜

家中又江結之跟役二名搬送江結骨殖已回

後藏扎薩克喇嘛跟役在途病故二名在洛洛

塘出痘留住五名外其現回前藏之七人臣等

逐一訊明錄供呈

覽其中沙瑪爾巴徒弟格哩訊係充當扎薩克喇嘛

通事並未帶有別項書信應與跟役背夫一併

交與噶布倫等暫爲收管俟將來再行質訊辦理其聶拉木拒守之賊於該喇嘛等出來時尙未退回賊匪果敢抗拒

大兵觀望不退現在成德與臣鄂輝先後帶兵前往正足以資殲戮

鄂輝又奏言臣等審訊喇嘛格哩雖據供稱實係充當扎薩克喇嘛通事並非沙瑪爾巴呼圖

克圖差遣出來卽詳詢扎薩克喇嘛亦堅稱無異但究係沙瑪爾巴徒弟查沙瑪爾巴在廓爾喀居住多年素爲該處王子頭人所信服茲乘扎薩克喇嘛出來或有心遣令徒弟跟隨來藏試探而扎薩克喇嘛竟被其所愚亦未可定若云跟作通事則當送至交界卽可轉回何必隨至前藏形迹已屬可疑所供殊難憑信該呼圖

克圖居心詭詐焉知非自知罪惡令其徒弟前
來探聽信息是否歸罪伊身並看格哩到藏如

何訊問處置伊卽得有主意臣等此時若將格

哩嚴加訊究該呼圖克圖生長藏地豈無一二

勾通送信之人不能保其不透漏消息是以祇

將格哩及跟役一名噶爾瑪尺密背夫一名布

策凌均交噶布倫等好爲看守不露端倪俟事

竣再行查辦使沙瑪爾巴探知格哩到藏並不
 將伊治罪仍安心在廓爾喀地方居住毫無疑
 慮則明春大兵進剿該喇嘛不致畏罪遠颺更
 覺易于辦理

鄂輝又奏言臣欽奉

上諭保泰奏公扎什納木扎勒達木協領澤巴結打
 仗陣亡著鄂輝等將扎什納木扎勒或係與賊打

仗身亡或係敗後被賊殺死之處查明據實奏聞

欽此臣隨向撒迦溝打仗之達木唐古忒兵衆

留心訪察又遊擊烏爾公阿都司徐南鵬適至

前藏臣詳細詢問俱稱扎什納木扎勒在撒迦

溝與賊打仗時所騎之馬聞鎗響驚跑扎什納

木扎勒墜馬被賊殺害澤巴結帶兵打仗頭中

鎗傷陣亡此皆衆人眼見等語查扎什納木扎

勒係督領唐古忒兵衆之人乃因鎗響馬驚墜
馬被殺殊爲懦弱自不必交部議卹至澤巴結
奮勇打仗頭中鎗傷其陣亡之處實衆所共見
可否交部議卹之處出自

皇上天恩均奏入

上命軍機大臣傳諭福康安鄂輝成德曰鄂輝奏稱
審訊喇嘛來藏或係沙瑪爾巴令其前來探聽信

息現將格哩及跟役等均交噶布倫看守等語雖亦牽綴賊匪之一法但格哩既係沙瑪爾巴徒弟今令充當扎薩克喇嘛通事到藏此必係沙瑪爾巴自知罪重暗令前來探聽內地消息若云作爲通事則送至交界即可轉回何必隨至前藏此等爲賊偵探之人鄂輝既知其形迹可疑卽應交駐藏官員看守况其人數不多更無難於拘管乃鄂

輝將格哩等竟交噶布倫看管噶布倫豈能自行
管束仍不過轉交唐古忒人等該處唐古忒人往
往與賊匪通信豈能保其不將內地情形透漏乎
鄂輝辦理此事實屬糊塗又據奏到譯出各書信
內丹津班珠爾寄達賴喇嘛稟及寄伊父母妻子
家信寄噶布倫等信稱我們與廓爾喀兩家債帳
事情仔瑛第卜帶信出來把這事說壞了實難得

解如今紅帽喇嘛要與我們和好等語仔琿第卜

係何時何人遣去是否上次巴忠等所遣抑係此

次達賴喇嘛所遣保泰等從未奏過鄂輝等從前

摺內亦未題及今詢之在京達賴喇嘛之弟及來

使堪布囊素僉稱係達賴喇嘛商上字識並不知

何時遣去著交福康安一併查明具奏若其人可

疑卽牢固解京又譯出各信曾否交達賴喇嘛噶

布倫等閱看俾伊等知廓爾喀近日情事其丹津
班珠爾等在彼情形亦應令班第達等知悉以安
其心乃鄂輝並不給看不但班第達等及玉托噶
布倫家屬無由知伊等消息卽達賴喇嘛亦不免
心存疑惑鄂輝並不計及此糊塗已極著傳旨嚴
行申飭其格哩一犯著福康安卽行審訊如尙有
備用之處不妨將該犯暫留藏內若無可留用卽

派員迅速解京以備訊問再閱各信內稱伊等在
彼經紅帽呼圖克圖時常照應廓爾喀王子每日
給與養贍並稱紅帽喇嘛誠心出力要與我們兩
家永遠和好及廓爾喀現在發信各卡撤兵等語
全係爲廓爾喀飾詞開脫以爲說和地步殊不足
憑賊匪素爲狡詐此項譯出各信必係廓爾喀逼
勒丹津班珠爾等書寫以見廓爾喀本欲衛藏和

好不願稱兵構釁轉似天朝不肯聽其息事必欲
問罪興師以致藏中遭罹兵火爲離間藏內人心
之計使衛藏僧俗人等與廓爾喀聯爲一氣而天
朝勞師多費轉屬無名爲衛藏之累此等賊人狡
猾伎倆豈可墮其術中但達賴喇嘛恐亦不免爲
其所惑著將原信發交福康安如鄂輝已將各信
交達賴喇嘛班第達噶布倫等閱過則已如未經

給閱卽著福康安分給閱看並傳集達賴喇嘛濟
隴呼圖克圖各呼圖克圖大喇嘛噶布倫等諭以
上次賊匪滋事卽因巴忠等令丹津班珠爾等前
往講論私與說和令賊退地給與地租銀兩致復
有此次滋擾之事是以一經發覺巴忠卽畏罪自
盡今丹津班珠爾等又係達賴喇嘛遣令前往亦
不關白駐藏大臣輒欲講和完事試思聶拉木濟

隴一帶本係衛藏地方經賊匪肆行搶佔理應退還何得轉許銀兩作爲地租况前次許給洋銀元寶三百個設賊匪貪利無厭又以地租爲詞如此逐年加增伊於何底及至賊匪反復滋生事端藏內人等不能抵禦始行告知駐藏大臣轉奏致煩天朝兵力遠赴征剿爲之保護黃教安輯藏地迨天朝運糧調餉集兵大舉伊等又欲與賊匪往來

說合希圖和息若撤兵後賊匪故智復萌又須煩
我兵力是天朝兵馬糧餉竟爲衛藏疲於支應况
賊匪得一步則進一步今在後藏滋擾卽許給銀
兩欲以講和完事設大兵撤後賊匪復來必致擾
及前藏更將如何辦理豈竟如前此保泰等所奏
將達賴喇嘛班禪額爾德尼移至西寧泰寧其藏
地竟讓與賊匪有是理乎乃衛藏人等止顧目前

轉以廓爾喀本欲講和天朝不肯聽從大兵經過藏地轉致滋累是天朝勞師費餉非爲救藏轉成害藏竟爲無益之舉矣爲此明白宣諭若達賴喇嘛之意必欲與廓爾喀和息完事大皇帝卽聽從爾等所爲將大兵撤回並將駐藏大臣及防守官兵一併調回內地此後藏內一切事務均不必再爲預聞任爾等受其魚肉亦概置不問若爾等以

衛藏地方憑仗天朝保護則須同心合力事事悉聽天朝區處此後藏地諸事必須關白駐藏大臣不得再私遣人與賊來往如此明白斷定俾喇嘛及唐古忒人等咸喻此意方可協力同仇尅期蕲事又鄂輝奏澤巴結與賊打仗陣亡請旨議卹公扎什納木扎勒係墮馬被害是以不便奏請議卹等語扎什納木扎勒於打仗時馬聞鎗聲驚跑卽

致墮馬被殺本屬怯懦無能但究屬臨陣被害已
另降諭旨賞給銀一百兩作佛事並著福康安告
知達賴喇嘛轉行曉諭衆人以扎什納木扎勒聞
鎗墮馬被殺與澤巴結打仗陣亡者不同是以不
得一例議卹今大皇帝念其尙屬急公特爲賞賚
此係格外體卹俾衆共知鼓勵

上諭內閣曰澤巴結奮勇打仗中鎗陣亡深爲可憫

着交部以陣亡例從優議卹扎什納木扎勒馬聞
鎗聲奔跑卽至墜馬甚屬懦弱自無庸給與議卹
念其究屬臨陣殞命着加恩賞銀一百兩令作佛
事

同日勒保奎舒奏言查青海界內臺站前據派
往安臺之寧夏府隆興稟報已經安設三十臺
下餘祇有八臺想數日來已可安齊其西藏所

管地方應設臺站屢經飛咨鄂輝等趕緊籌辦
是青海至藏一帶軍臺可期遞相接續不致稍
有間隔惟是臺站馬匹接遞軍報必須臆壯驍
騰方能迅速無悞今口外一路正值冬令草枯
之時交春後青草未發之先馬匹更易疲瘦且
道哩遙遠每站六七十里卽有內地百里之遙
又不能添設腰站以節馬力若僅藉枯草牧飼

勢必損臆難以加緊馳遠文報查軍需例載口

外安設軍臺每馬一匹日給料四升七斤重草

二束等語臣勒保復查青海界內軍臺共計三

十八臺相隔遙遠若由西寧運送草束計數馬

所馱不足以供一馬之食今照例辦運料豆按

照各站蒙古綠營馬匹數目給令喂養庶可保

住臆分不致疲乏現經臣勒保僱備駝隻源源

金匱要略卷之八
轉運以資接濟仍俟來年四月後青草長發時
卽行停止再前奉

諭旨令將蒙古坐臺兵丁亦照綠營之例賞給鹽菜

口糧臣等查綠營坐臺兵丁每月例給鹽菜銀

一兩三錢白麪三十斤蒙古坐臺兵丁向例每

月折給羊茶銀二兩是蒙古所得分例較之綠
營本優今若照綠營之例賞給未免反覺短少

臣等敬體

聖主矜恤蒙古至意臣勒保前已發交藩司景安帶

往各臺蒙古兵丁兩個月分例散給今又備具
兩個月羊茶銀兩遵

旨轉爲給發該蒙古等自必倍加感激

天恩踴躍趨事於軍臺文報實屬大有裨益臣勒保

將索倫兵丁出口一應預備事宜料理停妥于

欽定四庫全書
卷十一
二十四日拜摺後卽行起身旋省奏入報

聞

初六日

丙子

上命軍機大臣傳諭福康安曰昨據鄂輝奏詢問扎薩克喇嘛由廓爾喀回藏情形已將一切機宜詳悉指示矣此事構釁之由總因前次巴忠辦理不善陰許給賊銀兩令其退地而又未奏明捏稱賊

退地請降所致試思聶拉木濟隴宗喀一帶本係
衛藏地方經賊匪搶佔理應收復前次巴忠等調
集多兵自應將賊匪痛加勦殺收復邊境或賊匪
畏懼軍威自行退出方爲正辦豈有令藏內人許
給銀兩贖回藏地之理乃巴忠計不出此轉與丹
津班珠爾等向廓爾喀頭人私相定議每歲許給
元寶三百個令其退還地方希圖顛預完事尙欲

居功以致賊匪此次藉詞構釁復滋事端是國家
調兵集餉糜費錢糧一百餘萬俱係虛擲夫西藏
之地卽天朝之地豈有以堂堂天朝轉向賊匪許
銀和息竟成前代歲幣故事豈不貽笑萬世乎此
事自因巴忠以伊係御前侍衛經朕特派前往諸
事擅專又能通曉番語與丹津班珠爾等私自商
辦或以唐古忒語言朦混鄂輝成德二人被其所

愚亦隨同附和將就完事及巴忠回京復命時又復飾詞瞞隱當以伊辦理得當或邀獎賞然朕並未獨嘉其一人有所獎賞如鄂輝成德尙堅爲總督將軍試思巴忠曾加一級乎此中默有天理諸臣當益知畏也迨此次賊匪復行滋擾巴忠自知所辦大謬破露後必獲重譴是以畏罪自盡否則何以輕生若此今層層追究此事根由已和盤托

出設巴忠尙在必將伊正法斷難寬宥伊業經自
斃倖免刑誅伊子三等侍衛僧額布現充蒙古奏事
姑念父子罪不相及已降諭旨將僧額布退去奏
事降爲藍翎侍衛在大門上當差以示懲儆至保
泰雅滿泰係駐藏大臣於巴忠前在藏內私與丹
津班珠爾等向賊匪許銀和息之處伊二人豈竟
形同木偶毫無聞見乃亦並無一字奏及現因保

泰雅滿泰在藏於賊匪滋事時辦理種種錯悞業
經節次降旨責處永遠枷號而二人獲罪之由總
由巴忠辦理貽悞所致是巴忠實爲此事罪首更
無可稍爲解免也至班第達在藏年久於前次巴
忠等與伊子丹津班珠爾私許廓爾喀銀兩贖回
藏地一事伊豈得諉爲不知乃並未告知駐藏大
臣亦難辭咎第念班第達年老早經退閒伊子丹

津班珠爾現又被賊拘留姑免其深究但該處噶
布倫四人除丹津班珠爾現留賊地扎什納木扎
勒已經身故外其扎什敦珠布噶勒臧納木扎勒
二人俱係前次隨同辦理之人不可不查出懲治
著福康安到藏後卽將該噶布倫二人查明治罪
用兵行軍之道全在賞罰嚴明今噶布倫等扶同
一氣貽誤事機若不加以懲治何以使衛藏人等

知所做畏耶再廓爾喀賊匪旣將扎薩克喇嘛送
回此時不妨設法牽綴俾其心存觀望不復預爲
設備以便大兵深入悉數擒誅著福康安一面進
兵一面向廓爾喀檄諭以爾等卽因賬目不清亦
應稟知達賴喇嘛及駐藏大臣自然爲之清理何
以輒敢侵犯邊境並擾及扎什倫布爾旣肆行滋
擾其賬目細事此時亦不復與理論惟有聲罪致

金定厚商略卷之十一
三

討大加剽洗爾等當自知悔悟速將巴都爾薩野
沙瑪爾巴獻出或可奏聞大皇帝寬其一線保全
軀命若再不畏威悔罪卽日大兵所至殲戮無遺
後悔何及如此檄諭俾廓爾喀心持兩端遷延觀
望大兵出其不意直搗賊巢一舉集事想福康安
久歷戎行必能辦理妥善一勞永逸副朕委任也
至福康安勦辦廓爾喀事竣後自應回京復命不

能在藏地久駐此後藏內一切事宜係駐藏大臣
專責鄂輝舒濂務當認真妥辦諸事留心向來駐
藏大臣往往以在藏駐劄視爲苦差惟思年期屆
滿幸免無事即可更換進京是以諸事因循廢弛
毫無振作姑念事屬已往所有從前駐藏大臣亦
不復加深究此番整頓之後鄂輝舒濂遇有應辦
事件必當一力主持斷不可如從前之漫不經心

金定厚圖略卷十一
任聽噶布倫等率意行私並不關白駐藏大臣扶
同隱飾如有復蹈前轍者惟伊二人是問况鄂輝
舒濂俱係前次辦理藏務之人本有不是今尙加
恩錄用若伊二人再不知感懼凜遵諭旨實心任
事又復仍前玩忽幸圖年滿回京倘有辦理不安
之處必將伊二人加倍治罪斷不能再邀寬貸也

臣
等謹案衛藏所屬之聶拉木濟隴宗喀三

處前經賊人竊據自宜收復其地歸我版圖
乃巴忠等奉

命率師並不懾以軍威正其疆索轉令噶布倫議給
銀兩始行退地是其措置乖方養癰貽誤釁
成隔歲職此之由

皇上以巴忠業已自盡其子罪不相及僅予薄懲而
巴忠前此飾詞入告妄冀冒功並未得邀甄

敘

聖訓煌煌益徵天理昭然先幾默定所以
垂戒臣工俾知儆畏者愈深切而著明矣

欽定廓爾喀紀畧卷十六